



Caderno da crítica

Cuestionario Proust: María Xosé Lamas

[Ramón Nicolás 14 Abril 2015](#)

1.– Principal trazo do seu carácter?

– Decidida.

2.– Que calidade aprecia máis nas persoas?

–A sinceridade e a tolerancia.

3.– Que agarda das súas amizades?

–A correspondencia no afecto.

4.– A súa principal eiva?

– A saúde, que me impide facer moitas actividades que desexo.

5.– A súa ocupación favorita?

– Escribir, facer teatro (en todos os seus aspectos), cociñar...

6.– O seu ideal de felicidade?

– Sentir que a miña xente (fillos, compañeiro, país...) é feliz na vida.

7.– Cal sería a súa maior desgraza?

– A perda dos meus fillos.

8.– Que lle gustaría ser?

– O que son...

9.– En que país desexaría vivir?

– Realistamente, en Galiza; fantásticamente –e por veces- nunha illa do Índico, por exemplo.

10.– A súa cor favorita?

–O vermello.

11. – A flor que máis lle gusta?

– Esa rosa vermella coa que me agasalla cada 23 o meu amor.

12.– O paxaro que prefere?

– O paporroibo.

13.– A súa devoción na prosa?

– José Saramago

14.– E na poesía?

– Sophia de Mello Breyner Andersen, Rosalía, Martiño Maseda, Miguel Hernández, Miguel Torga....

15.– Un libro?

– A Caverna, de Saramago.

16.– Un heroe de ficción?

– Ningún.

17.– Unha heroína?

– Todas.

18.– A súa música favorita?

– A ópera e a música culta de todas as épocas, o rock e todas as súas derivas.

19.– Na pintura?

– Giuseppe Arcimboldo, Goya, Barceló, Antonio López....

20.– Un heroe ou heroína na vida real?

– Gandhi, Luther King. Todas as mulleres do mundo.

21.– O seu nome favorito?

–Sophia.

22.– Que hábito alleo non soporta?

– A excesiva vehemencia.

23.– O que máis odia?

– A mentira e a hipocrisía.

24.– A figura histórica que máis despreza?

– Calquera ditador que houbera ao longo da historia da humanidade.

25.– Un feito militar que admire?

– Ningún.

26.– Que don natural lle gustaría ter?

– Un timbre de voz fermoso.

27. – De que maneira lle gustaría morrer?

– Só desexaría morrer de repente, sen causar peso a ninguén.

28.– Cal é o seu estado de ánimo máis habitual?

– Loitadora, máis condescendente, tolerante... Iso din!

29.– Que defectos lle inspiran máis indulxencia?

– A rebeldía con causa.

30.– Un lema na súa vida?

– Vivir en presente.